



REPUBLIKA E KOSOVËS
REPUBLIKA KOSOVA – REPUBLIC OF KOSOVO
KËSHILLI GJYQËSOR I KOSOVËS
SUDSKI SAVET KOSOVA - KOSOVO JUDICIAL COUNCIL

PANELI PËR LIRIM ME KUSHT-ODBOR ZA USLOVNI OTPUST-CONDITIONAL RELEASE PANEL

PLK. D. nr. 52/24

PANELI PËR LIRIM ME KUSHT, i përbërë nga Afrim Shala, zëvendës kryesues i Panelit, Burim Ademi dhe Argjira Asllani, anëtarë të panelit, me pjesëmarrjen e Mersime Mehmeti, u.d. koordinatorë e panelit, duke vendosur përkitazi me kërkesën e datës 25.01.2024, për lirim me kusht, të parashtruar nga A. S., për shkak të veprave penale mbajta në pronësi, kontroll, në posedim ose shfrytëzim të pa autorizuar të armëve, nga neni 328 par. 1 të KPK-së, pengim i personit zyrtar gjatë kryerjes së detyrës zyrtare nga neni 509 par. 5 lidhur me par. 1 të KPRK-së, në bashkëveprim Shkaktim i rrezikut të përgjithshëm nga neni 291 par. 3 lidhur me par.1 e lidhur me nenin 23 të KPK-së dhe katër vepra penale Grabitje nga neni 255 par. 3 dhe 1 të KPK-së, lidhur me nenin 23 të KPK-së, i gjykuar me dënim unik me burgim në kohëzgjatje prej 9 vite, 6 muaj, me aktgjykimin e Gjykatës Themelore në Gjilan P.nr.149/2009, PKR.nr.520/13, PKR.nr.102/13, P.nr.163/20019, PKR.nr.47/14 dhe PKR.nr.12/13-P.nr.463/12-PR1, të datës 22.05.2018, në pajtim me nenin 90 të Kodit Penal të Republikës së Kosovës (Kodi nr. 06-L-074), nenin 116, 117, 118 dhe 119 të Ligjit Nr. 08/ L-132 për Ekzekutimin e Sanksioneve Penale, dhe nenet 9, 10, 11, 20 par. 1 dhe par. 2 pika 2.1 dhe neni 23, 25 dhe 26 të Rregullores Nr. 12/2023 për Punën e Panelit për Lirim me Kusht, në seancën e mbajtur me datë 20.02.2024, në selinë e KGJK-së në Prishtinë, mori këtë:

A K T V E N D I M

I. APROVOHET kërkesa për lirim me kusht për të dënuarin A. S., i biri i B. dhe i nënës H., e lindjes G., i lindur më ..., në fshatin K., Komuna e Gj., ku edhe e ka vendbanimin, me numër personal ..., shqiptar, shtetas i Republikës së Kosovës.

II. A. S. do të lirohet me dt. 23.02.2024, dhe do të jetë nën mbikëqyrje të Shërbimit Sprovues të Kosovës deri me dt. 25.03.2025.

A r s y e t i m

Me aktgjykimin për bashkimin e dënimeve të Gjykatës Themelore në Gjilan P.nr.149/2009, PKR.nr.520/13, PKR.nr.102/13, P.nr.163/20019, PKR.nr.47/14 dhe PKR.nr.12/13-P.nr.463/12-PR1, të datës 22.05.2018, A. S. është shpall fajtor për shkak të veprave penale mbajta në pronësi, kontroll, në posedim ose shfrytëzim të pa autorizuar të armëve, nga neni 328 par. 1 të KPK-së, pengim i personit zyrtar gjatë kryerjes së detyrës zyrtare nga neni 509 par. 5 lidhur me par. 1 të KPRK-së, në bashkëveprim Shkaktim i rrezikut të përgjithshëm nga neni 291 par. 3 lidhur me par.1 e lidhur me

nenin 23 të KPK-së dhe katër vepra penale Grabitje nga neni 255 par. 3 dhe 1 të KPK-së, lidhur me nenin 23 të KPK-së, i gjykuar me dënim unik me burgim në kohëzgjatje prej 9 vite, 6 muaj. Gjykata Supreme e Kosovës me aktvendimin Pzd.nr.65/19, i datës 06.06.2019, ka refuzuar kërkesën për zbutje të jashtëzakonshme të dënimit.

Në seancën e mbajtur me datë 20.02.2024, Paneli me rastin e shqyrtimit të dosjes së të dënuarit, ka shqyrtuar raportin përmbledhës të përpiluar nga ekipi profesionist i Shërbimit Korrektues të Kosovës, ashtu siç është përcaktuar në nenin 116 par. 6 të Ligjit Nr. 08/L-132 për Ekzekutimin e Sanksioneve Penale dhe nenin 11 të Rregullores Nr. 12/2023 për Punën e Panelit për Lirim me Kusht.

Pas vlerësimit të të gjitha të dhënave të paraqitura në shkresat e cekura më lartë, Paneli ka gjetur se:

Në raportin ligjor për të dënuarin vërtetohet se të dënuarit, data e përfundimit të dënimit i është caktuar më 25.03.2025 dhe nga llogaritja e dënimit rezulton se i dënuari deri më tani i ka mbajtur 8 vite, 4 muaj, 25 ditë, ndërsa i kanë mbetur edhe 1 vit, 1 muaj, 5 ditë, të cilat do të mbikëqyren dhe kontrollohen nga Shërbimi Sprovues i Kosovës.

Në raportet e tjera të përpiluara nga ekipi profesionist i Qendrës Korrektuese, konstatohet se i dënuari ka përmirësuar sjelljen, përkatësisht nuk ka të dhëna për shkelje të reja disiplinore, ndërsa për procesin risocializimi ka rrijedh mirë, duke shënuar hapa progresiv.

Paneli konstaton se i dënuari ka përmirësuar sjelljen e tij gjatë qëndrimit në Institucion Korrektues me ç'rast nga shqyrtimi paraprak i kërkesës për lirim me kusht, nuk ka të dhëna për shkelje të reja disiplinore. Po ashtu, gjatë shqyrtimit të kërkesës për lirim me kusht, Paneli ka vlerësuar edhe premtimin e dhënë zyrtarit të Shërbimit Sprovues të Kosovës se do të bashkëpunojë me këtë shërbim deri në përfundimin e mbikëqyrjes së lirit me kusht dhe se me një mbikëqyrje efektive i dënuari me lehtësi do të ri-integrohet në familje dhe shoqëri në pajtim me ligjin, andaj duke marr parasysh edhe kohën e mbetur në përpjesëtim me kohën e mbajtur të dënimit ngase ky person ka mbajtur më shumë se 2/3 e dënimit që nga data 25.12.2021, Paneli konstaton se mbajtja e dënimit ka arritur qëllimin e dënimit të paraparë sipas nenit 5 dhe 6 të LESP-së lidhur me nenin 38 të KPRK-së.

Paneli vendosi që ta lirojë me kusht personin e dënuar A. S., ai do të lirohet me kusht me dt. 23.02.2024 (e premte ora 16:00), nën kushtet e mëposhtme:

Brenda pesë (5) ditësh nga data e lirit nga burgu të lajmërohet në Drejtorinë Rajonale të Policisë së Kosovës, përkatësisht të Shërbimit Sprovues:

1. të raportojë rregullisht në Shërbimin Sprovues deri me datën 25.03.2025;
2. në rast të ndërrimit të vendbanimit ta njoftoj Policinë dhe Shërbimin Sprovues;
3. të mos tentojë që të udhëtojë jashtë shtetit, pa miratimin e Panelit për Lirim me Kusht;
4. të jetë me i kujdesshëm me sjelljet e tij në të ardhmen.

Udhëzim për Qendrën Korrektuese:

Qendra Korrektuese ku personi i dënuar është duke mbajtur dënimin duhet të ndërmarr veprimet si në vijim:

- I.** kompletin shtojcën 2 të rregullores – Komunikimi i lirit me kusht gjykatës kompetente;
- II.** kompletin shtojcën 3 të rregullores – Komunikimi i lirit me kusht Policisë së Kosovës;
- III.** kompletin shtojcën 4 të rregullores – Komunikimi i lirit me kusht Shërbimit Sprovues;

IV. i shpjegon personit të dënuar plotësisht kushtet e lirimit, përkatësisht obligimet ligjore mbi zbatimin e vendimit, kushtet mbi raportimin dhe pasojat e veprave të tjera.

Udhëzim për Drejtorinë Regjionale të Shërbimit Sprovues:

Drejtoria Regjionale e Shërbimit Sprovues duhet të ndër marr veprimet si në vijim:

- I. Drejtoria përkatëse regjionale e Shërbimit Sprovues duhet që të njoftoj Panelin me raport për fillimin e mbikëqyrjes në afat prej pesëmbëdhjetë (15) ditë punë nga data e lirimit të personit të dënuar, si dhe të e mbaje të informuar panelin me raporte periodike deri në datën e përfundimit të dënimit.
- II. Zyrtari Sprovues udhëzohet që të fokusohet mbi orientimin e të liruarit me kusht në kuptim të respektimit të kushteve të caktuara sipas aktvendimit të Panelit. Duke u bazuar në datën e përfundimit të dënimit për të dënuarin, ai do lirohej me datë 25.03.2025. Rekomandohet që i liruari të mban me vete aktvendimin mbi lirim me kusht gjatë tërë kohës deri në skadimin e lirimit të tij me kusht, që është caktuar me datë 25.03.2025.

Personi i cili është liruuar me kusht është i njoftuar me faktin se:

- Lirimi me kusht mund të revokohet, dhe në disa raste duhet të revokohet, nëse i dënuari, gjatë lirimit me kusht kryen një apo me shumë vepra penale, neni 91 i Kodit Penal të Republikës së Kosovës – Kodi nr. 06/L-074;
- I liruari me kusht është i obliguar që të njoftoj Policinë dhe Shërbimin Sprovues brenda pesë (5) ditëve të lirimit, për vendqëndrimin e përkohshëm të tij apo saj gjatë periudhës së lirimit me kusht;
- Personi i liruuar me kusht është i obliguar që të raportoj në Shërbimin Sprovues gjatë periudhës së lirimit me kusht;
- Nëse i liruari me kusht e ndërro vendbanimin, është i obliguar që të njoftoj Policinë dhe Shërbimin Sprovues;
- Nëse dështon të informoj apo raportoj siç u cek më lartë, Paneli mund t'a revokoj vendimin për lirim me kusht, neni 119 paragrafi 4 i Ligjit nr. 08/L-132 për Ekzekutimin e Sanksioneve Penale lidhur me nenin 27 të Rregullores Nr. 12/2023 për Punën e Panelit për Lirim me Kusht.

Nga sa u tha si më lartë, në bazë të nenit 20 par. 2 pika 2.1 të Rregullores Nr. 12/2023, u vendos si në dispozitivin e këtij aktvendimi.

PANELI PËR LIRIM ME KUSHT PLK. D. nr. 52/24, dt. 20.02.2024

U.d. Koordinatore e Panelit

Zëvendës Kryesues i Panelit

Mersime Mehmeti

Afrim Shala

Këshilla Juridike: Kundër këtij aktvendimi nuk është e lejuar ankesa.